



T 3200/4245.81

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 18 1958

10





安慶府桐城縣志卷之五

忠節

守曰生標季而慨談忠節譬之端冕聽古樂其不倦
且臥者鮮矣夫矢志弗回曰忠臨難勿苟曰節曠昧
保身之訓而詡詡然取不祥之事揚於天下何為龍
逢比干洵非俊物也雖然士死制次死與死爭
路之捐軀其事頗謬於聖人孔子獨有重焉
節仗大義如方左諸公者乎
皆能蹈刃明志夫本不愧於

哈佛大學漢和
圖書館珍藏印

忠節

明

方法三 田通洪武間舉人事母程以孝聞初程占籍起
家一髮婦獨授法以書曰聖明定天下行且假武修
文矣故法治尙書以儒術顯授四川都司斷事剛正
廉直執法不撓永樂元年諸藩表賀法不署名尋詔
逮諸藩不附者法與焉登舟謂家人曰至安慶告我
次望江家人曰此安慶也法瞻望再拜曰得望吾先
人鄉可矣自沉於江先是法舉於鄉典試者爲方孝

孺以托孤寄命大節不奪命題無何孝孺抗節法亦無忝其門人云

左光斗字共之萬曆間進士授中書舍人擢監察御史視屯以北人不知水利畏言屯田乃請以屯入多寡爲殿最使人自爲屯又請置屯學因屯糧制餼俱報可其年入穀數千鍾季年倍之神宗不豫瑞劉朝等矯東宮旨索世廟戚畹絕莊光斗封還不啟曰尺地皆殿下有御史奉命巡田而敢以田私進乎一時歎爲真御史云及改督學政具人倫絕鑒如史可法諸

所特拔光宗登遐康妃李氏尚以選侍居乾清於是中人有雷簾之語廷臣憂之光斗疏曰內有乾清猶外有皇極惟皇上御天皇后配天得居之今大行皇帝賓天選侍既非嫡母又非生母儼然居正宮殿下乃居慈慶不得守几筵行大禮卽先皇貴妃之詔亦在彌留之際其意可知且行於先皇則伉儷之名猶可行於殿下則尊卑之稱斷已不可者乞收回遺命速移別宮於是康妃移仁壽上還乾清體統旣正尋晉左僉都御史與副都御史楊漣相爲倚重時內

璿魏忠賢橫恣誣殺萬璟等朝士咋舌不肯競趨其
門連乃疏列忠賢二十四罪光斗繼之疏未及上而
謀泄兩人以一日同逐群憾猶未快因別置私人爲
緹騎長起大獄光斗與連首及逮詔使至光斗坦然
就道至詔獄坐妄議移宮爲首辜及受遼撫屯吏金
厲刑追比勅五日一具奏拷掠再盡其弟光明陰爲
異人以左右之諸燕趙好義之士及嘗被簡拔者方
醵金代輸所追數而光斗死杖下矣崇禎初璿伏辜
詔優遺忠贈光斗都御史再贈太子少保子三代誥

命賜祭葬官一子謚曰忠毅

張秉文字含之萬曆間進士初授戶部主事督榷臨清
有廉潔聲累遷江楚閩粵司道所至著績在粵剿海
寇李之奇等以數萬計全省安堵崇禎丙子轉山東
左布政使己卯春

本朝兵臨濟南秉文倉卒布置矢衆固守城孤力盡遂
以身殉瀝血遺書致二子有身爲大臣自當死於
疆等語妻方氏亦死焉事聞贈太常寺卿與祭葬
一子入監秉文孝友端慤鄉稱長者年少登第

尤爲一時之俊云

身統春字元夫崇禎間國子生以保舉授黃陂縣丞視
篆黃安黃梅有垂簾堂上置水庭下之風壬午賊逼
陂邑統春親冒烽火衣不解帶凡十五晝夜一日賊
解圍去且五日陂士民久困強半暫息賊忽乘昧爽
潰城統春亟率數千人與鬪不勝嘆曰事勢及此吾
其一死報朝廷矣賊執之見僞督不屈奮然指賊罵
曰吾累世清白奉先人忠孝之訓官雖小皆臣子也
肯從汝反乎賊怒斷右手卽以左手指賊又斷之罵

則割其舌噴日視之則更刻其目至死猶奮首僵起
舉足朴地數示恨賊狀賊支解之事聞下所司議贈
卹會京師陷未果

吳普昭字克明邑諸生崇禎丁丑以賊逼率鄉民團聚
格鬪十餘日尋被害妻孫氏痛夫難哭泣三日而死
其四子光璘殉之婦李氏亦不食而死五子光璿妻
許氏爲賊獲義不受辱死人謂一門五義云

陳力字列卿邑諸生崇禎乙亥春寇始犯桐父子被執
度不能兩全謂賊曰吾父老矣請殺我釋吾父可乎

賊怒俱殺之

姚孫極崇禎丁丑讀書山中賊入山殺其父孫極痛哭罵賊格鬪不勝遂爲賊所害年十有六

王夷吾邑諸生才藻卓絕長於詩文崇禎丁丑避賊於山賊殺其母夷吾頭觸地者三日母死於賊奚生爲乃奮力與賊鬪被數劍夷吾不勝死

尹楷字聖木邑諸生性至孝崇禎丁丑賊殺其母楷與子守毋屍三日賊復至楷與賊鬪中賊項下衆賊怒矢石交加遂遇害

趙之葵邑諸生少與方生君簡友善君簡遂以子逢月師事焉崇禎丁丑賊至君簡守毋樞死於賊時逢月偕白門之葵聞信縋城白衣冠往哭發其筭得絹殯殮七未終賊復至殺之逢月因至今並祀於家

董光宏字宏生邑諸生性方行介隨父繼武師事方明善捐貲百金建會館於孔城講學其中一方嚮之崇禎丁丑遇流賊不屈而死

左光燦邑諸生崇禎丁丑賊突至光燦被縛搜袖中得一簿知爲此方保障憾之叱問其故燦危坐罵曰景

軍殺卽殺我豈畏死者哉賊益怒括舌斷足備極慘
毒知縣張利民表之曰常山並烈請於御史黃耳
褒異焉

姚孫林字振先郡諸生湘潭令之騏長子也讀史書成
令子居家以孝友稱崇禎丁丑與姊避賊於山俱被
執不屈死之

孝友

序曰爲子有孝名爲弟有悌名原古人所不樂謂其
以天性易名也顧國家非此無以勸善長吏非此無
以維風三代而下安得人盡曾閔家悉姜田乎又恐
其世之不好名矣志孝友

孝友

明

檀郁字子復一字道清家貧少孤母汪守節有古風郁事甚謹母有疾郁侍湯藥惟勤每夜告天求損已年以益母壽母卒居喪哀毀踰禮貧無爲葬朝夕號泣隣里憐而助之或贈以石山謂可葬郁視皆石難穴泣禱於神有鄉人胡伯恭夢神告曰檀孝子有穴曰湧泉莫喻其旨醫師程伊聞之曰湧泉穴在足心穴其在山麓乎求之果得窆之郁遂廬於墓側蓬跣苦

塊哀慕如初喪山故無泉下汲爲苦忽石罅出泉清冽迨三年歸泉乃涸同里異之正統丁卯知縣李寬以狀聞詔旌其門復其身

吳堂字德陞邑諸生父希瑞患脾痛堂手自摩拊數月不使人代一夕至丙夜父命之退猶涕泣不忍辭誠信憂戚莫不自致父沒獨以母方屬曰非汝不能盡菽水權也分產伯兄爲政堂僅得瓦廬半間以奉母自築土室於旁有圃在伯兄舍後而以他事怒堂亡偵得其意作券因族長遺之而卻其直歲祲有歸粟

數十斛者自損家食而以其羨給諸從兄弟及此終之乏絕者其孝義有足稱云

方琳字廷獻有姊弟四從弟二同居共炊自父時及終其身無改琳秉家政不一黍自私每旦命姪某某耕某執事各授之職悉趨惟謹夜則集坐論業怡已相權漏下數刻始退天順間應公辟天官生至京師諸名賢樂與之遊給事姚旭題其堂曰翁樂學士河潛爲之記至今猶存子印天台令

方可字子時事父孝力學養志其伯仲以母異父又愛

之稍不協可卑聲柔色不敢仰視衣食取其粗糲父
歿諸戚搆伯仲爭貲可曰兄弟無訟寧兄推弟弟不
可反戈詞不訢鞠不辯引咎而已有司察而直之嘗
置義倉輸穀實之又捐田七畝歲入義倉周宗族之
貧者以諸生游南雍授光祿監謁選病足遂棲隱桐
水之澗焉

彭寶字惟善會大雪父怒其母爲請不得跪寢門外及
日啓戶見寶猶踧躑雪中遂感悟怒平年四十侍親
則猶躬上食定省及外艱哀號成疾不起屢其子曰

衰絰死當以哀絰斂遂卒居恒作紀過錄自警雖一
言一動必期無媿所至人以真秀才目之

夏子孝字以忠初名思父疾潛到股以進遂愈太守吳
麟先一夕夢王祥來謁詰朝中文至大詫是子其祥
後身設更令名請於督學籍諸生月給廩五斗膳百
文父終子孝廬墓朝夕奠哀隣人夜出見墓側有火
炬旦詢子孝無所見當事欲旌之子孝固辭曰不肖
子不忍以亡親賈名

周聘字延聘邑諸生父母繼亡不能塋坐臥喪次哀號

如祖括知縣李尚默捐俸八兩使諸生往營葬聘曰
爲人子而以親喪煩長吏其何能安守喪凡十二年
遂能知來言休咎頗驗或問不解占候術何能乃爾
曰靜久不覺乃爾

金鞞有至性母陳病值亂無從得醫因割股以進弗愈
聞古有割肝者乃穴其左腹得肝寸許方爲脯以進
母從枕上聞有異香時行道者見其屋角炊烟如瓔
如珞母啜少許立瘳

張祝少有至性十歲母病割左股爲湯以進遂愈郡守
以爲幼而行孝不出矯強請於文衡補博士諸生
方效字去病父有侍姬家人不能堪效安之父歿家人
曰父橐是司可惡取效獨不可爲擇善配其篋爲所
携去不問

張思誼事孀母孝每食長跪俯觴命起乃起時節坐母
堂上衣冠拜堂下起獻酒棋立少選更酌將撤下堂
拜如初五十年猶守此禮

方初字子復成童時父遭疾溽暑簾寒不離臥側每藥
必親嘗以進後父當督阜磚於姑蘇重任也初弱冠

請代曰有子不服父事安用子爲卒代之磚不若家
妻盛氏事姑甚孝詳列女傳人謂初刑于之化焉

方祉字子受郡諸生兄祿患疾室有死者祉扶抱製藥
祿曰人畏疫甚爾乃冒暑顧我祉曰智者不信幽而
棄禮仁者不違道以求生疫何足畏乎毋孀居近二
十年獨安祉養卒時值歲饑鬻婢襄事不煩他兄弟
子學漸理學著聲

倪章善字中美幼鍾至性孝友恂謹凡家政悉以身任
父應春得馭歷無內顧憂又爲伯若季經紀其產業

志於讀後伯爲循吏季爲儒臣皆章善有以
之而於族間無間言焉

戴若權字偉卿父字早卒母趙氏方廿齡誓死靡它教
權勸讀權幼負至性刻意進修期成父志以大慰其
孀母然僅食餼於壘未幾母見背矣每念四十八年
之抗志不獲一邀褒綸是憾其後以明經訓和州遷
建學宮遂科名鵬起前此所未有也時值里門歲凶
則捐俸以賑族黨及歸裝橐蕭然

方大欽字君典號唐山天性孝友母疾割股以愈終身

秘不忍世迨暮年諸子視藥得睹癢痕始悉隱行
爲澹然兩兄廷尉司農皆貴顯欽布素授經自若時
當析箸讓產均分曰吾自有硯田在毋以李貧授
黜吾父理學家風也敦敏好學閱肆於詩文與邑中
何文端如寵吳官論應賓相友善更相唱和下筆
言岸然自異直抒胸懷不循人一字年五十九將次
明經卒所著有盛唐山人集藏於家

吳旦字孟暘性孝嘗遇親疾刲股回生以入成均考
授建安佐兩署縣篆肆著循聲撫軍爲之優薦尋經

歷漢浙間以七品丁艱歸時值歲荒寇亂煮糜賑
施棺掩骼好行其德足跡不履公門後舉鄉飲大賓
年八十卒

何應璿字子政方伯如申仲子生而純篤不爲矯矯
貌少善文每旦能受七藝嘗從鮑泰輪先生倡導怡
園會業與左侍御倪官論齊驅並駕試輒高等居恒
重孝友行仁惠方伯遺諸子歲入租皆不足四百石
璿時以周給貧舊無所恡馬生懋襄死爲執紼引
哭之盡哀有范張遺風焉偕兄應瓊共居終其身未

嘗失溫愉之色瓊死無子囑以田產授諸弟璿一切
斥斷不問獨檢瓊爲里中陳兵賊交訐額天請蠲一
劄于其友愛如此相國文端在政府時璿督家政凡
餽贈皆封識無所苟晚夢異人贈圖書鐫淡然若石
四字遂篤嗜內典別號淡石壽六十六所著有據梧
軒集子永紹工制舉藝食餼於贛二十五年矣一日
棄去放情詩文山水以終蓋彷彿點徂之遺躅云
鄧元聲字旭甫太學生母王氏病篤元聲焚香割股以
進不令人知父年八十生子屬其撫養不侵一文以

全友愛壬午避寇池陽山貨市麥濟流氓及卒於旅
江南北人士哭而弔之子森雲爲諸生有聲

余治序字仲達兄治庠弟治學析產後值歲稔學費
序以舌耕所獲贖之如此者三授寶應訓導其俸入
與束脩首卽爲弟學贖產餘悉以給戚友之困乏者
周登弟赦早卒遺千金篋以托登其子動方幼不知也
登撫而訓之動畏其嚴不敢盱視比長受室補博士
弟子乃出其遺金授動封識宛然

張廷中兄弟五人旣析箸弟乃日落廷中滋殖日吾不

忍吾弟之壁立也集諸弟合爨而居久之諸婦有後
言廷中曰吾知厚吾弟耳安問其他悉以所殖之產
五分之已且為輸稅不以煩弟終身怡也焉

齊永箕字寧侯郡庠生早歲即以文名父邦彥一夕為
盜執索財拷掠箕聞之驚起裸體面前推門而入厲
聲叱曰財物任汝取毆人何為汝等寧傷我勿傷吾
父盜正咆哮遂相謂曰此人操身救父可稱為孝子
我輩尚忍傷其父耶即釋去誠孝所為一時傳為異
事云

潘金芝字九莖太學生九歲而孤事母陳孝謹有遺腹
弟玉芝為母所鍾愛能山體親心撫之成立性謙慎
事諸父躬也如畏王父司馬公貴顯壻甥多席溫食
厚乘堅刺肥視之泊如也居恒教子弟視躬力學一
跬步不苟詩云溫也恭人庶幾近之

徐即署八歲時祖接沉疴署仰天號呼願減已笑益其
齡遂割股烹進之接食畢霍然起延壽十二載始卒
盛唐字鏡水年十二時祖母張疾篤割股救之愈及父
如曾臥病唐為嘗糞者三其母張亦割股救夫得瘳

唐嘗與弟庭被流賊執兄弟爭死賊感而兩釋之
方穀字子桓明經若洙之仲子少抱偉志籍邑諸生專
治易兼通春秋四傳及史漢諸書手錄古人名氏爵
里悉識靡遺詩文雅贍生秉至性父喪千里佐伯兄
豫立扶歸葬管竹里近菴白華廬其傍年四十早卒
屬孤軫析產三分授姪與子同追天台令祖風焉
潘大培字子厚與兄江相友愛婚夕至不忍分被父歿
哭之慟咯血成疾甫小祥而卒性嗜學刻苦自勵歲
饑賑粥於衢活數千人而年不逮輔嗣時論惜之

周自字明德邑諸生弟覽侵賦有司督之急令覽售
於自以償自代輸八百金毫不受產惟取一雕鞍曰
弟所以逋賦者汰侈故爾居數年賦不杜自復納二
百金覽欲以產償所納自終不欲有弟產

黃敦字效仁有同祖弟二家落鬻產敦曰不可委先澤
於異姓厚直取之弟後拮据事生久之敦曰吾何取
弟產欲弟知艱苦自立爾乃今能治生遂以產還弟
不取其直敦晚舉五子人以爲行義之報云

吳忱周字尚文貢成均父命分產辭曰家本不豐兒且

餼於鬻使兒日肥伯季日瘠不忍也於是祖遺別業
悉無所受嘗夜讀邸舍主人婦暱就焉曰若夫吾友
也爾縱不媿夫吾寧不媿友乎婦慚而退

朱文林字士先甫六歲喪父哀麻哀慟如達禮者家貧
櫛髮爲藝竭力養母七病思魚市無魚文林禱水投
竿卽得有姊寡且盲母念之迎歸與母同寢食姊卒
具棺衾營葬母病篤文林潛禱天地剖乳下肉一臠
密丸湯以進母遂愈邑令謝公炯表之曰願養母卒
塋西山廬墓側依樹結苫豺虎聞來不爲懼哀聲達

於行道鄉人感動餽壺漿者此相錯郡邑長吏及鄉
紳並爲文以登其母文林竟以哀毀卒墓所

殷敷字子學繼母夏氏有二千美衣食就傅授書而裁
效衣食使之耕效耕賦作苦其淡如無雜色夕歸濯
足更衣而侍色常愉父喜勞之日性備竟家能于哉
效益奮力乃致千金分給諸弟不以錙銖自私夏感
悅遇效有加

胡洪字孟廣邑諸生父瑄以貨產不均與兄連隙時訟
洪反覆極諫瑄乃感悟連亡聞之亦遂瑄更相和

陸母張病洪旁求名醫別事湯藥夜不就寢衣不解帶後毋卒洪哀慟弗堪廬於墓側風雨不蔽且夕負土加封焉父卒洪仍廬墓側哀慟尤切郡邑皆表其宅

王鰲清淨鄉人至孝父卒廬於墓側日夕哀號思慕不已忽夢父曰兒何不畫像而臨之對曰兒不解畫日我其誨爾起於鼻準乃圓其頭旋分耳日後及於身鰲驚覺命筆一揮成像酷肖其父見者以爲神授

楊宗億字王芝質樸耿介跬步動遵禮法事繼母以孝聞年十九籍諸生苦攻苦刻勵列郡序四十餘年非應試未嘗一謁守令治家嚴謹子弟不習不學見嘗曰人之貧賤惟憤志立學乃可以免子三人民賴其教以有成孫臣隣康熙丁未進士

國朝

鄧森秀字樸菴性至孝終身不衰年踰耆居喪哀慕不異孺子家適警於祝融母殯在堂伏號誓死於烈焰中倖保無虞足徵孝感尤篤友愛郵發撫孤靡不周至少爲諸生祭酒明道講學戶外屢嘗滿生至懷方

履正樂善好施類多隱德鄉里奉為典型舉郡欽大
實當道屢旌其門考終九十七歲里人諡稱還淳先
生建碑勒頌曰懿我鄧公德溥惠敷九十有七克保
令譽積閏成年百歲有餘允矣君子式我哲言其愛
慕如此殆記所謂鄉先生歿而可祀於社者歟
山令士美壽九十四父文學元盛壽八十四年其
壽九十七世德世壽邑稱僅事長于必
登為薦文行克紹蓋家學淵源之

試病篤煮藥煎創晝夜侍側醫云欲知差劇須嘗其
甜苦粥輒嘗之里人稱至孝以為庚子妻不足過也
崇禎十七年順治九年其里早甚粥散金齏粟所全
活甚眾至今會宮尸祝卒塋烽火山陳家七柯松下
子葉盛葉茂俱補博士弟子

吳用鈇字逸民性抗直有古人風明崇禎間以父廢奉
部咨赴選聞母訃馳歸哀毀骨立後塋父母小像於
寗安前日以侍父若母於泉下也明季寇亂諸季或
憂饑寒鈇割產畀之無難色手輯太全蒙引諸書學

者宗焉

方來賓字仲宣天性純孝年甫十二卽割股以救父疾
前邑侯陳公旌以純孝格天扁額 清初撤桐邑守
城兵賓胞兄來朝被兵誣得驟馬值兄他出縛賓以
去及臨刑繩爲細裂卜將驚訝有冤始得釋又力脫
胞弟來貢於患難中貢因得歲薦兩爲司鐸實賴其
教裏之功經滄桑數變遂隱跡西山教子若孫多至
成立其祖思敬父大鵬曾與賓筵七次賓敦修克一
鄉里無不欽其孝友公舉爲鄉飲賓壽終八十有八

誠不愧其世德云元配程氏乙亥年晉九十觴邑侯

高公聞其剛德撰詩登堂致祝亦可爲修德者勸

潘時迅號念塢乃己丑進士潘士璜之父也幼出繼於

叔塢亭爲嗣事父母極孝本歛世裔因妹在桐父母

懷念甚切隨奉板輿來焉妹汪恭人御史世東元配

也父病兩刲其股衣不解帶親嘗湯藥七年不倦父

不飲食已亦不飲食每晨夕焚香號泣籲天以身代

父病卒愈平居若父母偶有不悅必跪請問故得父

母撫摩歡笑良久始起定省晨昏溫清冬夏真無異

古孝子沒後計部方公若瑛爲之傳焉工詩文精小楷善畫迨壯以還卽觴詠自適不樂仕進累世積德家固素封輕財好施每年請僧衆葢茅簷於通衢夏施苦茗冬施薑湯衣絮助婚嫁賑貧乏宗族鄉黨佩德以生者甚衆三舉鄉飲大賓守令咸高其品初塋父於龍眠時哀毀骨立夜宿壙中至三夕夢元女自天而下謂曰汝乃孝子也惜老矣表汝孝當在金華及子士璜受東陽令東陽乃金華屬蒙恩賜如其官人俱以爲純孝之報妻孺人吳氏亦好善樂施姑

病多年曲盡孝養聞者無不稱頌如長齋事例三十一條
卒莫非公孝之所感云

方景輿字慶豐太學生宮詹拱乾之孫學士孝標之仲子也性孝友寬厚嗜古好學攻制舉業不問家人生產蓋方氏奕葉膺仕子弟競以文詞相高概不省阿堵物雖曰天性亦家教然也時宮詹闔門謫塞外有公適株累督責甚嚴景輿贅江寧妻家上官檄至景輿慨然曰老母寄廬毘陵兄弟俱饑驅四方忍以追遺遺老母憂乎鬻已產尚不敷妻何氏亦賢孝盡

罄奩具以助之不使聞之堂上後宮詹父子賜環議以公田撥補景輿固讓弗受以故生殖日落雖食貧屢空終不齒及肄業成均衣破手裘傲視公卿座上了無作容每詩文一出傳誦京師一時咸器重之銳意鑽研期以一第繩武并凍牀寒伊唔自若會莖宮詹於里徒步風雪間冒寒遘疾日悲泣母榻前惟不克終養父母爲罪絕不一語寄妻子其天性純孝如此况身友愛門內無間言年甫強仕資志以及士林惜之子世濤以冠軍入泮世洲世清俱入太學有能

文聲

程應文字玉墨負性至孝嚴親早逝事母李氏溫清定省甘旨之具必備平居無事不敢斯須離側侍病五年衣不解帶起臥上下皆親負之湯碗藥爐皆親操之一日病篤有言糞苦者則可救遂親嘗其糞母子妻王氏克受刑于之化文卒時正兵火交加二子幼穉王氏於流離患難中撫恤訓誨至於成立長芳選次芳幹俱補博士弟子孫杖振振其姪宮詹芳朝

為傳於家譜中序之甚詳可為孝友勸

潘鈞字殿聲號肖巖為郡學生困棘闈十二次壬申始領歲薦待除學博然非其志也少有神童之譽事親極孝色養交至定省必以時不衣冠不見待弟金章曲盡友愛金章由選拔教習京師文聲藉藉皆其教育之力平居謹守如處子屢空晏如而取與甚嚴又長於經濟佐乃父治東陽時出奇計擒山寇趙奇徐小豹等賊斬之招降脅從邑賴以安奉父命守城抗大帥令開城納難民編牌推食全活萬計東人有既

德神君復德令子之謠遊嶠徧指天涯一時賢公卿名下士多折節下之拯困扶危隱惡揚善里中人無不慕才服德每日求詩文問奇字者踵交錯于戶通五經晚專精易理以義方教子兩子永冰皆能文立品有聲藝苑鈞賦才甚敏著述甚富沒後有任園詩賦古文等集三十卷藏于家司寇翁公叔元為之傳謂肖巖之詩出入李杜文章變化經史孝友溫恭樂善不倦可追古文行兼優之君子洵不誣云

按事親之義莫備於孝經而小杖則受大杖則走欲索而殺則不可得舜之事孔子又嘗爲曾子言之以見保身事親爲孝之大不在乎區區咫尺之義也今觀於桐人恭桑梓戶篤常華孝友之風於茲未艾然所云割股之事何多也且不獨男子爲然而婦女輩亦逞逞蹈其烈豈積俗使然歟其天性亦有大過人者矣

義厚

序曰自范史爲獨行傳發潛闢幽意殆七矣以天下之大歷東漢十二君之久而所列者屈指輒盡何其艱歟毋亦崇體遺用擇之過拘故羅之弗備也夫璆琳璠璣同爲良玉杜蘅芝蘭同爲芳草佩之礪之均以此德身在廣博樂易不與潔清白好者同科耶桐之風淳質儉約載諸往牒者今猶古也貞以立體惠以適用取嚴一介息周三族嚴仲之解橐切安之揮鋤皆君子之所與也志義厚

義厚

隱逸附

漢

時公漢邑令逸其名休致於家以禮義導化民間子弟
子弟感之立亭曰時公亭

元

方德益元末自池口徙桐以好義稱所居隣學宮明衢
隘割居地之半以廣之桐溪水出龍眠暴漲則激石
漂木不可渡德益捐金斲石橋成子孫簪纓不絕論
者以爲積善之報云

明

張一輪字侶冲少貧才思慷慨好義年五十無嗣鄉人坐法請以女侍巾櫛一輪曰吾不忍乘汝危而納汝女也贈之金而遣之後爲江寧學訓以百金出人於獄不責償及論太安有皖上賈人遇兵寄金若干越五六年歸其人已死乃悉還其子封識宛然

方緯字維裕太學生父寵衛氏篋資而奔置不問從兄絢貲豐嗣齋繼緯子吾爭立訟起緯曰吾不能舍子而睨道旁壁遂以吾還平居好施里人待炊者

饋出千餘金航楚穀賑其鄉里年七十卒

吳一卞字元和邑諸生年十四口吮父疽家政最肅旣舉子則據孝順陰隲事實爲里巷之謠使之習誦尤篤於宗族嘗建祠置祭田屬其子應宓世世勿變三黨中婚嫁殯葬力不能舉者輒以身任之

何思勳字子建生卒爲善不使人知歲祲賑粥貸粟存活無數居家一以世德忠厚爲訓弟思鰲序應出繼而勳堅辭蓋知鰲之必昌後也及鰲二子皆貴馳封上及三代勳意中事如持左券云

倪夢槐字仲信以明經司訓銅陵後遷巢教諭盤瓠首
荷不異諸生時已而嘆曰為寒蠶碌也風塵豈不重

為淵明笑哉致仕歸年八十一卒夢槐性端方尤慎
取與雖割肉剖瓜必方正始食其簾藪不苟類此

方夢暘字子且太學生居鄉和易父歿未收債者餘千
金夢暘悉焚券有族人之僕馳馬驚隣豕墮地懸銀

曳傷而豕亦亡矣隣索豕族人誅傷僕交誥不已夢
暘曰奈何以意外事構難引僕於家藥食月餘痊出

錢伍百償豕嘗渡江舟人失金相爭夢暘謬曰竊者
僅得遺必爾物也風急幸無譁抵岸分橐償之已舟

人得金所在乃論之曰金微物也倘爭而溺奈何寧
謬償耳人稱爲長者官南安丞有治聲

彭湯字兩全孝子寶之後也性方嚴不苟訾笑里中兒
好訟者湯以理折之曲直立判以故人不畏羈邑之

法而畏湯之一言有王彥方之風焉
吳道謙字毅之年十七補弟子員以孝友謹厚稱母喪

哀毀踰禮事父應寰尤能養志父卒弟道約甫七歲
撫愛有加田廬賦獲惟庶毋王是取兇好義樂施

友宜生獲譴於邑侯道謙周旋備至竟脫於難妻張氏賢而才八門五年卽出簪道爲夫置側室舉子德音鞠育過於所生及長延師教誨賴以成立後後流賊啓其夫婦棺方開面日如生賊駭懼掩之而去論者謂積善之報焉後德音以績學爲諸生祭酒將薦歲薦而例停及例開而遽卒士林惜之德音之子驥亦能讀父祖書名噪於序張氏一女苦節四十年方學述字月潭父卒時甫十歲無殺禮哀毀獨至生平好義族中丞大任以連黨坐論罰金不貲首捐五十

金爲宗黨倡隣人韓桂困於債家不克婦其婦賴學述代償以免又嘗身任禍患脫貧佃朱天父子於豪貴人手生六子皆有文行及病戚友來問者先期悉知草時扶坐危然說家誠

趙輔字良贊嘗使僕徵子錢於里人里人怒毆之遂死其家里人將經一子以抵輔曰死者不復生而更死生者是重傷也遺書曰僕死煩若爲我瘞之

方體乾字青林力學工詩文以明經老非志也生平惟克己堅忍雖橫逆怡然受之其人不可化亦飲醇酒

自寫鬱陶而已曾過橋醉人擠於水乃拂衣去曰彼醉矣何傷會有鬻妻完租者盡豁令其完聚偶置產增直與之仍贈遺且厚督學周師旦舉德行邑令旌之曰種德光先疾革屬其子畿曰汝存心惟仁慈涉世惟忍與讓乃為養德後畿為刑官一以仁慈為鵠云畿仕至陝西漢中府同知贈如其官

姚之蓮字汝茂幼苦讀以一日七藝補諸生為人落匕寡合至歲崇廬者屢招從未一往惟蔬食授徒以安義命偶秋穫有盜穀者數人從林間出之蓮望見避

於大樹旁聽自便他人覺欲急追曰羞惡之心人皆有之吾不欲其有慚於色真理學之齋也

潘益字公涉事生母郭氏並嫡母湯倍極孝思兩母為之雍睦有如姊妹同母弟天昌家落益經理其生產俾得無乏始終不倦後為建安學博即以施於家者教邑之子弟焉

潘映軫字楚星邑諸生任真推分儉約如寒素田廬供馬一無所好閉閣讀書耻事家人產業終身不識權衡是時稱佳公子焉子金芝太學生亦淳謹有父風

倪應奉字雲儀折節讀書補博士弟子嘗於呂泉之
建洗心會館朔望講學一方向道者宗之生平嚴於
檢身取與然諾一秉於理鄉隣有索負者卽解橐以
息爭終不取償又曾脫人於難竟不令知子傳禔躬
端謹曾舉優行於黌兩次與修邑志著有讀易齋詩
文十卷

周熾字心一初治經生業既詘於有司乃以書屬子康
祀曰孺子勉之是物也不厄於秦火而厄於制科士
氣之日張聖心之日晦也其持論如此兄燿旣析居

性其產遂食於熾崇禎間御史行部問桐之隱德者
父老以熾應知縣辜劾薦楊爾銘後先舉鄉飲賓
何知達字孟章性溫和生平無疾言怒色兩弟皆貴顯
宦遊京邸如達居家恬淡自處獨博毋歡不通一刺
於當事已而厭薄諸生業時有賢良方正之詔郡邑
上其名力辭不就晚舉鄉飲不得已一爲出應卒年
七十有四

胡宗舜字敬夫邑諸生隣有胡登者竊薪其僕遇之交
惡登毆僕死有司論法當抵宗舜曰登吾隣也其先

人不可無後求釋之

金騰高字上達任俠好義急人之困邑大饑騰高積穀二千石悉出賑其鄉里曰所貴好義者補天地不足也豈其乘歲稔而自爲利乎詔旌其門曰義民

李璽字廷玉爲諸生時其友汪冕赴廷試病於邸囊有百金付璽人無知者冕卒乃爲治棺歛甚備自主其喪召冕之子至京迎喪以其父金還之

吳修齡字印度邑諸生少佣僮不事家人生產食貧遠館爲繕蓋計及親喪棘闈屢蹶因嘆曰吾篝燈苦讀欲博堂上人歡耳今已矣遂長齋繡佛前以寄蓼莪之思焉

錢元道有種商主其家旣去除室見有遺金約二百餘度商已遠乃置倉中積穀歷之次年商復至言別後二日覺囊金失不知所在元道曰此非途中失也發倉示之囊括宛然遂還之

朱東字漢卿貢生晨詣學見道旁有遺金東不顧僕曰後人不攫之乎東命收約二百餘金以聞於校官出示招之則糧役王姓者之遺也王請分東笑曰天欲

損爾豈令我見之挈去毋我溺

程希學字子敬嘗赴文宗試過香爐寺如廁見遺篋有金百餘兩收之居不去僧曰文宗且至何乃逗逼希學曰吾與友約姑待之二日失金者哭而至曰以吾父之巖而失稅金也進不勝官刑退不勝父刑死矣希學出而還之

王嘉璿字墀鳴七歲通六經十歲能屬文自成一言弱冠卽延就鄉塾作人楷模會歲祲罄館穀煮糜以活饑人里有盜牛者爲輸金免其罪曰饑寒迫之耳

其人卒改行晚而好道於書無所不讀子彭年旣登鄉薦猶手不釋卷其爲勵如此

在仲良嘗於歲饑出五百金糴米於楚以賑其鄉人有翁姓者舉族疫業有死者五矣皆無棺存者不能與仲良相使家人舁五棺置其門外而去旦啓門見之大驚意必仲良之所賑也乃收死者而瘞之

吳用穀字似之邑諸生少失恃每念劬勞輒悲痛竟日夫婦事王母侍色養三十年不少懈其生平尤尚氣節重然諾嘗赴友人難不避艱險以求必濟邑中大

利病出片言立決有魯連遺風云

汪沼字昆源糶穀不售賈客惟給遠近貧人價寧減於常而銀色不問但封貯列名聽其人執票自取糶盡日始驗銀數間有狡者以低假投卽棄之流水一日糜既竭而穀復盈萬曆己丑歲荒賑粥數月以衣棺瘞死者且推解隣里鄉黨不可枚舉

倪自治字景心少工制舉業遊郡庠試輒高等與弟自清一時才名有機雲之譽崇禎癸酉以明經初授涿水訓導陞徐州學正致歸自治賦性端方取予必後

一介有所諾生死不異里人高其文行爭延爲師而教法一律以嚴其門徒雖列子矜猶不能寬於夏楚及司鐸卽以甲孰之教七兩學諸生焉

楊胤昌字蘭似負異敏工文藝弱冠補弟子員屢躋鄉闈孝親篤友賑貧乏濟急難行敦古處年八十有三卒著有歷試閒吟諸草里推文品兼優云

何應瑄字朗生方伯如申第四子務敦行誼淡泊自守常着布袍浣至敝猶不易邑令辜朝薦聞而賢之欲得一面瑄終不往篤於友愛有姊適倪早孀時當荒

亂瑄與仲兄璿輔之以成其節妻盛氏柔嘉爲性亦
壽七十有五人以比鹿門夫婦云

王爾賓字晉雲天啓間邑諸生天性渾厚力學沉篤屢
試優等居庭課子義方式穀里中稱爲盛德卒年六
十有六著有四書辨解未鐫散失至今惜之

隱逸附

吳儋字仕富少卽托隱吟咏浪跡雲踪往也詩記事
晚年樹槐於庭而以綠窓主人自命爲詩曰懶向花
黃占事業三公留與似人封四傳而應琦成進士若

操左券

方重正身率物表正鄉間建晚翠軒賦詩自娛年八十
餘屢宿於鄉不出邑令蔡公數顧廬容訪政事

何岫字峻之隱居青山篤行自好結屋峯畔曰九龍菴
買田數畝以訓子孫之讀者舍棲羽客壑幽谷窈時
籠雲霧每開霽則長江如練遠岫列屏峻之爐烟茗
椀坐嘯其中自號雲峯主人

國朝

鄧元盛字二言籍諸生靈山令士美之長子端友以介

少館於巢夜有一婦叩門求火叱之不納挑燈達旦詰朝察之知爲隣孀也絕口不向人言及遇歲歉輒出穀賑貧里人爲樹積穀賑饑之幟乙亥流寇犯桐闔邑募餉盛輸金以倡知縣楊爾銘議遷關廟尋以行取去捐貲託盛卒其事纖悉無苟後爾銘過桐謁廟造廬以謝年七十三丁外艱躃踊號泣如孺子茹齋百日衰經三年未嘗解屢賓於鄉以順治丁酉卒壽八十五妻尹氏壽九十七婦道母儀邑人奉爲壺瑞仲子森秀壽亦九十七論者謂世壽本於世德焉

楊駿字楫汝少失恃哀毀成疾長列諸生三十餘年是跡不入公室坦乘曠度與物無競卽有以拂逆加者曰彼未嘗有適或吾待之有未至爾生平尤淡於財利食貧屢空宴如也父宗億令督家政而絲粟不私晚與仲季分析田產取瘠奴婢取老曰吾子旣多且長庶稍匕自立汝輩子幼非藉先業不可及子臣隣登賢書時駿猶及見第期其異日屬仕途必上不足天子下不負所生其志愈正大如此

李在公字未盡好陰行善嘗建堽菴檢枯骨瘞之明季

壬午年間寇逼城閉兼疫疾甚行屍橫街衢在公始則備棺繼之以蓆日出數百埋於郭外計大小七千餘軀又率諸生登埤防守晝夜罔懈屢爲當事推重徵辟不就後以好施家落築蓬室於龍眠山中食貧樂道於康熙丁未年卒壽七十有五

胡瑀字太函年十九卽聲著一黌萬曆間中副榜生平砥行立名惟恐不逮曾舉德行於督學敦請鄉飲者三明季避寇西山賊縱焚而所居獨完一日賊突至倉皇抵丘埵賊搜殺此山獨大霧三日不見亟奔城

遇賊騎舉家伏道待擒忽見山麓有女子數人現身穿林賊赴山得免於難善人之報也以順治甲午年無疾而卒壽九十

吳季鵬字羽翮學博才宏名聞膠序父宦季鵬居家寧淡如寒素事孀母尤極孝養明季寇逼捐木數百株爲守城貲邑令賢之達匕詢其胸畧苟利地方不避怨不懼禍以莊見憚一時人有所侵含忍不發有所負不能償者遂不索中年雖歷授別駕而竟恬退以老晚乃適志南陔草堂所著詩文彙爲內外集又撰

筆舌錄歲功解翻切縱橫圖瓊錄諸書藏於家以康熙十一年卒壽八十有一

吳道亨字約之事後母篤孝親嘗湯藥兄弟五折箸各八十緡亨獨竭力供父母膳不以累諸昆季督延陵家政四十年一錢不苟建祠置田老有存恤幼有膏火耕有補助婚喪有賙贈一邑皆以爲法子德秀有父風

吳道坤字平之卽道亨之兄少補博士弟子輕財好施嘗因無子買妾合鬻矣妾言所以坤遂贈裝遣還後娶王氏姬病且篤有育子姬鄭氏刲股以療王遂得愈門以內不相妬而相感若此至橋梁津渡缺圯及寒無衣負無償者坤尤多方濟之隣里高其義一時以比兩彥方云

夏承春字廣生邑庠生好讀書工詩文淳謹退讓向人語呐々如不出諸口晚年益肆力風雅著有西郊集傳世尤具知人明少遇同里姚文然年方數齡輒嘆曰此子棟也遂擇爲婿焉

鄧森晚字松九生平敦孝友謹廉隅好研窮經史順治

甲午年拔貢入成均受知於太史吳偉業范文肅公
命子婿北面受學品格文章雅相推服門下位至刑
部者一糧道者一知府者一知縣者一舉人者二既
以考授州同候缺歸里優遊恬適不通一刺於當事
賁志以歿門徒故人靡不嘆惜以為未竟其用云

大惠字均海少與同弟願五共事祖父母極盡孝

同堂兄弟十人同食同居久不析箸鄉里稱為義門
大惠敦睦之誼居多也崇禎壬午間饑疫薦臻積屍
枕籍大惠施棺瘞之家財因之蕩廢絕無悔心年近
五十未生子時以為憂夜夢神人慰之曰君好義既
同純仁何患無嗣未幾果誕子匡英年即噪聲膠序
間願五居官數十年大惠曾不以私事相干惟勗其
以清白貽子孫而已享年八十餘無疾而逝

吳德秀字真來邑庠生少遇母疾思食魚際綏寇之亂

三星在罽之時遍求不得忽于小澗踴出巨鱗烹而進之効過于藥人稱孝感又叔父平之以金千金寄于其家時秀因築室百畝稱貸平之令其那移應用秀則封識不動閱歲餘還之分文皆故物也每遇年饑穀貴秀必平價糶之或買貴賣賤或春借秋取鄉里好義者亦效爲之全活窮黎甚衆至其尊祖睦族隆師敬友其事難枚舉焉

戴研字導及號蛻齋幼穎異讀書目數行下過徹不怠少孤貧事節母以孝聞與兄弘烈最友愛爲文情

典麗人稱大小戴雲明陳卧子極加推許以爲酷似其舅孫少司馬焉弱冠補博士弟子員屢試徹冠軍不至第五食餼黌宮名菜海內家貧以教授爲業獎掖後學孜孜不倦雖家徒四壁晏如也暮年益肆力於詩歌古皆如吹竹彈絲敲金戛石年六十方膺歲薦而卒以研之才學加以事親孝與人信持身方正廉潔竟不獲膺一第窮經終老古稱豐於才而蓄於遇其研之謂乎卒之日凡屬戚友生徒無不歎息流涕亦可以見研之爲人矣

胡允嚴別字裕齋 一諸生天性豪邁人也家學淵源少
從伯父叅藩伯玉公遊談悉性命宗旨制舉帖括卓
有偉抱人共比之昆湖屢踰棘闈識者惜之然不樂
仕進當之泊如也獨倡義舉修葺黌宮敷陳里排諸
弊政同邑先達毅然釐革至今嘉賴焉庚子歲海氛
厠混逼邑公堂挺出數言速之退此又理學家所謂
全體而大用者經濟文章兩無所愧没而私益端毅
為言以夫

登森楷字自牧性水疆陰行善崇禎甲戌獻賊圍城父

諸生元斗挈妻僑寓池陽楷甫授室聞母病夜突圍

過賊營黎明賊追至忽得漁舫以濟人以為孝感歲

辛亥大饑貯穀數百石盡散諸川里三角潭有某姓

窮甚鬻妻將分袂楷聞之大驚謂某曰若奈何計出

此吾不惟銷若券並贈若金諸索逋者相顧錯愕事

遂寢偶居於鄉有隣婦夜奔寢室正色拒之詰旦託

故去垂老戒子孫始洩其事少讀書穎慧尤精小品

善隸書數奇未遇人爭惜之子焜燁俱有聲龔序

三層厚木身鼎司
卷之五

